

嘉慶寧國府志

寧國府志卷十一

輿地志

水

按府境水道皆隨地立名舊府縣志皆不詳其源委稍加  
別白止隨其上名而分列焉一水之流名至數十而又上  
下不接儼如百道分流茫無頭緒何以令閱者了然此不  
知叙水體例之故也今據水經注之例以水道跨二縣以  
上者爲經流水出自何縣卽於此縣歸合大水者爲支流  
水道雖歷二縣而於府境內止逕一縣界卽歸合大水者亦爲支流皆以郡縣境界爲綱而  
據古地理書及舊府縣志所載水道所過異名附於各水

下以爲之目不敢摹寫景物蹈方輿之故習亦不欲牽合詞賦隔閼者之觀瞻參証古今求其詳備而已南江雖湮亦詳載故道以存禹貢三江故蹟庶使此方好古之士有所據依其湖地井泉則附於各縣支流下不別立目亦詳考古今參酌廢興以期有補於民用焉

府境經流

青弋江古名清水又名冷水又名清弋水匯太平旌德涇縣諸水至涇縣北始名青弋江北流入宣城西界與南陵縣以江爲界又北流別合宣城縣黃池河入大江其正流北入南陵縣界分爲二支又東北合爲一又西流至蕪湖縣界入大

江 丹陽郡宛陵清水西北至蕪湖入江

漢書地理志

冷水出宛

陵縣西北入江

許氏說文解字

案清

青弋水在宣州西五

十九里

元和郡縣志方輿紀勝同

源出涇縣及池州府之石埭縣又太平

縣及府西南境諸水皆匯入焉東北流逕行廊山下又北合

諸山溪之水

大清一統志云受白洋寒亭水

經方山下又北出楊青口會

太平府黃池河又北流入蕪湖縣界注大江又南陵縣青弋

江逕縣東之長池塘分爲二支至縣東北五十里漳陵港復

合爲一江以東卽宣城縣界西馮馬家灘會於蕪湖之石埭渡

由魯港入江

方輿紀要

大

魯陽江卽清弋江有三源東南

源曰梅溪河出旌德縣南與績溪縣界之舖頭鎮南山南源

曰小溪河出太平縣南與歙縣界黃山北麓西南源曰陽溪  
河出石埭縣西北分水嶺陽溪河既會小溪河又東北流百  
餘里至涇縣境與東南之梅溪河合又東北九十里分支津  
北流入橫湖注石碓河北入江正派東北流八十里至宣城  
縣灣沚鎮西北又分二派一西北流經方村鎮東一東北流  
至黃池鎮南有烏溪鎮水東北自水陽來會又分支柴北達  
水陽河其一支西北流與方村鎮一派合曰縣河西流逕蕪  
湖縣城南折而西北流經魯港鎮之東北入大江齊召南水  
道提綱  
案梅溪卽涇溪陽溪卽舒溪小溪卽麻川稱名  
與諸志畧異其叙下流最詳今全錄之以備考青弋江北十  
里爲簾灣又北逕行廊山受白洋寒亭水至五花潭受蕭公

橋溪水方山至灣沚而北出楊青口合黃池下流同入蕪湖

乾隆宣  
城縣志

按青弋之名始見於晉書鍾雅傳此清水自漢以後別名  
青弋之証自明以來皆以涇水舒谿爲青弋之源其實青  
弋自有正源也蓋漢以後唐以前青弋水在寧國府之西  
北由蕪湖入江南江在寧國府之南境東南入廣德州界  
二水各不相涉故鄣氏作水經注  
並不言及清水涇溪舒溪自南來以有  
南江介其間故二水皆入南江且無由得至涇縣城在涇  
縣南  
境古安吳縣  
界已入南江何得北越南江涇縣而入青弋江乎此以知  
青弋自有正源涇舒二谿唐以前必不能爲青弋之上流

也按漢志丹陽郡宛陵清水西北至蕪湖入江細釋此語

而南江青弋之水道蓋明蓋班固志郡縣水道皆自發源

之某縣表之例最詳審

各郡縣體例皆然詳考自得之

著清水於宛陵縣

下明卽發源於宛陵耳宛陵今宣城縣地今宛溪卽出宣

城縣東南三十里之樑山西北流合句溪

有南江時句溪亦不得入宛溪

以在寧國縣南有南江屬之也

又西北至黃池由蕪湖入江水道正與漢

志合由東南至西北入蕪湖境則宛溪疑卽青弋之正源

漢名宛以在宛陵縣得名又唐時亦名青溪名亦同

自南江既涇涇舒二溪始無所

歸始北流過涇縣又北流而青弋江介其間

自宣城西北來正在涇縣

之遂俱入青弋江矣後人見涇舒二溪之水

合流名賓大

於宛溪遂以賞溪爲青弋之正源而青弋自有賞溪附合  
之後津流益廣宋以後遂名青弋江亦卽以此蓋詳考班  
志鄰注而諸水之入南江者厯厯可繪入南江者必不能  
入青弋卽青弋之故源亦曲曲可見而知賞溪亦必不能  
爲青弋上流自水道變遷以後後人因今之水道疑南江  
之譌并改青弋之源遂并斥班氏鄰氏之說其實皆未詳  
考也今若以宛溪爲青弋之源知必有訛其說者故仍列  
今時水道而詳著其說於此大濟水伏流黃河改道後之  
君子必有遠鑒乎彼而深信乎此者若執今時地志而議  
孟堅善長之非蓋斷斷乎其不可也

杭水一名東溪一名句溪一名龍溪一名黃池水一名水陽

江自浙江於潛縣流入府境寧國縣界爲杭水又北流爲東

溪又北流入宣城縣界爲句溪又北流爲龍溪又西北流爲

黃池水又西北流合青弋江爲水陽江出府境至當塗縣界

入大江 句溪一名東溪源從寧國縣東鄉溪嶺承天目山

脚水源合流連接至此爲句溪流向北至邵門外過

太平寰宇記

宣城縣有句溪水寧國縣有五湖水

元豐九域志至寧國縣北匯五湖水

注於句溪見嘉宣志卽今之五河渡西溪與東溪合流處也古蓋名五湖水 句溪在宣城縣東

五里謝元暉有將之湘中尋句溪詩

輿地紀勝 東溪在寧國縣東

五里源出仁德鄉之馬蹄嶺岳山之大塔山懷遠之湯公山

三水各六十餘里至溪頭方合流四十五里至雞山復合徽  
慶鄉水抵石村至五湖渡合西溪水二溪皆石籠灘峻源淺  
水急稍通小舟不堪重載入宣城又一百五里計一百八灘  
灘各有名曰黃土坑曰青山灣曰前蘆曰魚梁曰楊孟村曰  
東山曰汪村曰許家曰倉渚曰水車岑曰女兒山曰沆口曰  
和尚曰西灣曰沙步曰長墩曰獅子石曰調石曰亭頭曰柯  
村曰烏村曰劉村曰澄兒潭曰祝村曰顯山曰了溪口曰洪  
公曰奚家莊曰廟山曰范村曰石村曰楊載曰五湖渡曰冷  
山曰六兒埠曰大斧曰王村曰澄埂頭曰蟹山曰下莊曰荆  
斧曰車千曰崔山曰潭窕曰洪石埠曰濠溝曰烏石曰楊家

曰趙村曰杜遷曰鶴兒曰余家曰西塔曰中洲曰七村曰石馬岐曰胡泥曰董家灣曰戴村曰水東曰殷家曰石背頭曰中背曰後潭曰塔蘆曰銅坑口曰孟村曰田家灣曰沈村曰麥莊曰黃渡曰煨墩曰楊家曰上張家灣曰下張家灣曰余皮曰雙溪曰高橋方曰羅家曰上沙灣曰下沙灣曰烏泥埠曰下烏泥曰泥灣曰土山曰雙橋港曰梅家曰張村港曰東溪曰勾溪曰灘頭曰花沿曰和尚曰石陂曰竹篩溝曰廟下曰胡家曰師家溝曰竈窠山曰油榨溝曰趙家莊曰硤石曰拉馬曰直渡溝曰蘆葦溝曰渾山港曰管家渡曰徐村又妙潭在妙山下洪公潭在洪公山下相府潭在中葑上十里深

潯潭

一名中潯

在縣西北三十里深不可測歲旱澹龍於此卽能

興雲雨石馬潭去潯潭北十里

嘉靖府志

杭水在寧國縣東五里

亦名東溪源出浙江於潯之天目山北行二十里至落花溪

又北八里受千秋嶺水又十三里受湯公山水又三十五里

至石口水勢漸盛可航又十里受千頃山水又三十里受洋

丁源水又十里至五河渡與西溪合又十里至相府潭受胡

村水又十里爲潯潭又十里入宣城縣界爲句溪上源溪

流迴曲形如句字北流受華陽諸溪水又西北經土山又北

至三汊河口與宛溪合又經敬亭山東爲敬亭潭又至縣北

二十五里油榨溝與雙溪合又北受南湖水又北受慈溪水

又北至水陽鎮爲龍溪又西北至黃池鎮亦名黃池水接當塗縣界又西合青弋江出蕪湖入大江又雙溪在宣城縣東十里自句溪經土山北分流五里爲雙溪又西北流十七里入南湖口又西十里出油榨溝仍合句溪

方輿紀要 大清一統志 乾隆府

縣志水陽江出寧國縣有二源西南源出縣南與績溪縣界並同

之叢山關西北經縣城西北有東河自東南來會東南源卽東河又有二源一東南山與浙江界山兩水西北流合經獅橋鎮南又西北至石口鎮南又折東流經梅花鎮北而東又折北流經河漚溪鎮西又西北八十餘里至縣城東北又北與西河會於可渡鎮之西北流經杜遷鎮黃渡鎮西又北分

爲二派一北流一西北流數十里至寧國府治宣城縣東南  
又分二支一北經府城東北卽折東北流一北流二十餘里  
合於府北山東麓稍東北前北流一派自南來會又東北復  
分爲三派一派東流會襄南湖一派東北流會高淳縣東南  
之固城湖一派北流八十里至水陽鎮西南有支津與東北  
流者通又北流四十里折西北流至烏溪鎮東南有支津與  
青弋江之經灣沚者會又西北流分爲二派一西流有黃池  
河南自黃池鎮通青弋江來會又西稍北流經太平府南境  
而西至東梁山之南麓其前分一派西北流於府東南又分  
爲二一西流一北流會高淳縣塘溝河西流經府城南折而

西南流會前西流之派又西南於東梁山東南麓復會西入

大江

水道提綱

按西河卽西溪東河卽東溪惟云水陽江在宣城東南分二支一北經府城東北流一北流合於府北山則稍誤

涇水一名徽水一名藤溪一名賞溪自徽州府績溪縣流入府境旌德縣界爲徽水又北流入涇縣界爲涇水亦名藤溪又北流合舒溪經縣城西爲賞溪又北流匯爲青弋江南江又東合注涇水

水經注

徽嶺山在涇縣東南二百五十里涇

水所出也

元和郡縣志

按旌德縣建在唐永泰初元和時其地尙屬涇縣

賞溪一名涇溪

發源甚遠一源出石埭舒女泉經震山桃花潭冠蓋落星潭

至楓坑一源出績溪經旌德三溪至巖潭合流東北而下又  
東五十里入南陵界山蕪湖入大江涇之溪澗寶繁而資溪  
爲最著自昔縣治跨溪東西山川之秀萃焉中間溪流東徙  
距古溪五里而溪之廣十倍昔時矣涇川志按諸志皆以爲涇有二源其實出太平者爲舒溪始入南江南江既涇乃入涇非涇之正源也觀此志亦可見涇水并合變遷之漸蓋麻川入舒溪舒溪入涇而涇水之流益大宋以前水道則不然也今歸元和志涇源以出旌德者爲正源於水經注涇水入南江之道蓋合涇源出徽嶺山北流入旌德縣界受清潭水又逕縣南折至縣東北與東溪合又北逕石壁山北又西十里與抱麟溪合又北逕龍首山北流入涇縣界名曰涇水亦謂之藤溪西逕桐嶺南又西北受楓溪匯爲星潭下三門灘又北至巖潭與舒溪

合又北經縣治西是爲賞溪又東北受幕溪諸水又東北逕

栢山又北過赤灘鎮受琴溪水又北匯爲青弋江入南陵宣

城二縣界

方輿紀要  
清一統志同

大徽水源出績溪徽嶺之陰北流受

清潭水至旌德縣南印厓石逕淳源橋

東門外

轉東北與霞溪

東溪鳧溪湯村溪弋溪豐溪楓村溪諸水合又北匯於鑰匙

潭逕柳山葉口趨於石壁山西流十里會抱麟溪陶環溪是

爲三溪又北五里入涇界受浙溪水又北至龍首山受鄒坑

水逕蘭石匯於星潭下三門灘馬鞍峽獅子崖逕舉山東受

榔橋河水逕梓坑又北東受南香水又北逕平園厓高灘承

流稠嶺二水注之又西北逕許家缺出河口會石埭太平水

按涇縣舊志自此以上皆名之爲徽水

又東北受鴨兒港水得上坊渡轉湖山而東是爲賞溪淪市河受南岡水東流逕縣南城又北過縣城西其西爲新河南受湖山水北受水西坑水白雲潭諸焉夾桃園而北過下坊又北逕幕山幕溪入焉決紀村又北逕栢山左受紅子港水又北下赤灘琴溪注之又北下涼潭逕園山又北逕馬頭磯又北下蘆塘出縣界又北匯青弋江

鄭志 旌德縣志 徽水亦名淳溪

按鄭志以石埭太平水爲涇正源非是今止錄其自旌德來者仍以徽水爲正源遵一統志并據水經注元和志涇川志方輿紀要之說也又鄭志云太平水未會旌德水以

前有嚴潭嚴潭而上有冷水澗自西而東是澗爲唐宋前  
大溪經趨故道今柏林坑山趾尚有舟人篙絳痕則此日  
上坊村背卽昔日大溪奔流處滄桑變幻而居民比屋田  
塍相錯矣按南江故道本當在舒溪涇水未合以前求之  
鄭所云正是南江遺跡鄭直未知之耳不然唐宋以前地  
志豈別有所爲大溪哉鄭爲涇縣人其叙水道頗詳析而  
不據今以通古往往如此又嘉靖府志云藤溪源出徽嶺  
南入旌德界北流沼石嶺過三溪至涇縣界窄溪陟三門  
灘至懸石澗爲一潭深不可測潭上石壁峭拔數十丈嵌  
巖可愛循流至黃峴山山石門匯太平水入大溪是徽水

又名藤溪一統志以徽水爲藤溪卽以此書爲据也

明史地理

志旌德東有徽水自績溪縣流入卽藤溪又涇西有賞溪亦曰涇溪其上流卽舒溪又東南有藤溪來合焉亦同

舒溪古名延溪又名旋溪又名延溪又名陵陽溪自池州府

石埭縣界流入府境太平縣界又東北流受麻川又北流入

涇縣西南界至嚴潭會涇水爲賞溪

按涇縣志舒溪古名延溪延與誕音同字亦相

似是誕溪卽延溪也今陵陽山在石埭太平之間二縣卽古陵陽地故此溪唐時又名陵陽溪李白下涇縣陵陽溪至澁

澁詩卽此皆以陵陽子明所在得名李白又有下陵陽高蓋溪三門六刺澁詩明非一溪蓋指今麻川故別名高溪也

山在涇縣西南二百八十里下有舒姑泉

元和郡縣志太平寰宇記畧同

按蓋山在古陵陽地今屬石埭石埭亦古涇縣地見本朝皇輿表賞溪其源有二一出池州

府石埭縣之舒姑泉名曰舒溪流經太平縣西北受嬖瀼二

水又折東北流至麻口會麻川合流北行八十里入涇縣西  
南界下瀦灘九里羅浮萬村等潭皆隨山旋繞與太平縣分  
界又東北四十里至落星潭受花林夏浦諸水又東北四十  
里至巖潭與涇水合又北經縣治西是爲賞溪

方輿紀要  
大清一統志

同西新豐澗水從太平縣東來注折而東北得桃花渡又北  
逕龍珠山合溪水西來注於舒口下老灘東而北逕震山石  
得查溪水又東右得溪口水瀦落馬潭晉桓簡公禦韓晃戰  
北馬墮於潭故名又東逕古安吳縣城西折而北曰落星潭  
而夏浦澗西來注之又北得漆林古渡又北逕猷州故城東  
又北花林溪自東來注上連溪自西來注又北逕後山北折

而東淳省潭又得丁家渡大小嶺水注之又北西受冷水澗  
踰巖潭而西逕許家缺與東南徽水合爲賞溪涇縣志

附載南江故道

南江故道自池州府貴池縣

古石城縣青陽縣

古臨城縣

流入府境南

陵縣界

古臨城縣東境

東過涇縣界

古安吳陵陽縣

宣城縣界

古宛陵縣與涇縣以南江

爲界見水經注

又東過寧國縣界又東出府境流入廣德州界又東

至浙江湖州府安吉縣北會太湖懸吳江

古吳縣南

石門錢塘餘

姚入海今久涸

地理志曰江水自石城東出逕吳國南爲南江江水白石城  
東入爲貴口東逕石城縣北東大谿谿水首受江北逕其縣

故城東又北入南江南江又東與貴長池水合水出縣南即

山北流爲貴長池池又北注於南江南江又東逕宣城之臨

城縣南

縣道元  
水經注

按晉宋以前石城縣臨城縣皆屬宣城郡今石城爲貴池

臨城爲青陽及南陵縣鄭注南江自臨城縣以下方入今

寧國府境

又東合注涇水

按江南通志賞溪在涇縣西南一里涇水流至縣西爲賞

溪北入於青弋江又青弋江在寧國府西六十里發源黃

山會石埭太平旌德諸水下流漸廣遂爲通津北至蕪湖

入江又舒溪在太平縣西六十里源出歙縣逕石埭東北  
至涇陽受婁溪二谿入涇縣界爲賞溪方輿紀要云賞谿  
一名涇溪其上流卽石埭縣之舒溪然則賞溪上接舒谿  
下連青弋江中間正是南江故道但南江已涇遂合青弋  
江而北向耳涇水稍大故曰合注也

南江又東與桐水合

水經注

按左氏哀公十五年楚伐吳及桐汭杜氏注曰宣城廣德  
縣西南有桐水西北入丹陽湖顧氏方輿紀要曰廣德州  
西北二十五里亦曰桐川桐汭之名因此源出州南白石  
山西北流逕建平縣界又西入宣城縣界爲白沙川亦曰

綏溪匯於丹陽湖入大江酈氏未言其方向蓋桐水自北來南注於江也晉時已北流于湖酈氏所叙蓋猶古迹今人或以南江未至安吳先合桐水爲酈氏之誤不知桐水未入丹陽湖以前本可流至臨城安吳間若泥今之水道以論古則非學人之通論矣

又東逕安吳縣號曰安吳谿又東旋谿水注之水出陵陽山下逕陵陽縣西爲旋谿水谿水又北合東溪水水出南里山北逕其縣東桑欽曰淮水出縣之東南北入大江其水又北歷蜀山山又北左合旋谿北逕安吳縣東晉太康元年分宛陵立縣南有落星山山有懸水五十餘丈下爲深潭潭水東

北流左入旋谿而同注南江江之北卽宛陵縣界也

按陵陽廢縣在青陽縣南六十里今爲陵陽鎮漢書地理志丹陽郡陵陽桑欽言淮水出東南北入大江此大江卽南江也江南通志曰舒溪在石埭縣續文獻通考謂之旋谿下由涇縣至蕪湖入江又方輿紀要淮水出呂山逕南陵爲東溪據酈氏注則淮水本入舒溪卽旋溪舒溪水北注於南江與涇水南注者迥然各判今則南江旣湮而舒溪北合青弋江然舒溪涇水之間尙可求南江故道今縣西南五十里有藍山落星潭遺跡尙存山北有安吳城故址又西南八十里有望江山山麓有泉通江曰潮泉又縣西

南黃龍山有望江尖四顧山舊志云南望長江如帶皆南

江故跡又考昔時南江所過皆今涇縣南境晉時爲安吳

縣境故鄒氏叙南江於安吳縣下卽接宛陵寧國縣不云

過涇境也

三國時分涇縣置安吳縣蓋割涇縣南境亦兼有今旌德太平

則舒谿自石埭

太平來涇水自績谿旌德來皆北入南江皆在涇縣南五

十里以外舒谿及涇水自南而來南江自西而來揆之東

去不得北至涇縣城自南江旣涇二水俱無所歸始北流

過涇縣城入青弋江矣細考唐以前故道實皆如此惟鄒

氏叙府境歸南江諸水當於旌谿注南江下再云又東合

注涇水蓋旌谿在西涇水在東

出太平旌德

南江自西而東

不得先合涇而後合旋谿也蓋南北不通傳聞多誤故稍有參差要之叙涇流水道則與鄭元班固吻合是皆可據南江又東逕寧國縣南晉太康元年分宛陵置南江又東逕故鄣南安吉縣北

水經注

按寧國縣本割宛陵地所立據今寧國縣疆域西北九十里至涇縣界北四十里至宣城縣界東南八十里至廣德州界則南江自涇縣流入寧國縣西北界

界首以北卽宣城縣爲古宛陵

縣與水經注南江之北卽宛陵縣界說真確合

由西北折而至寧國縣東南界入

廣德州境形勢瞭然也方輿紀要曰故鄣城在廣德州東南九十里南江至此卽出寧國府境茲不贅錄又鄣道元

云東南地卑萬流所湊濤湖泛決觸地成川枝津交渠世家分夥故川舊瀆難以取悉以此言觀之宜乎南江之易湮矣浙江國考謂南江自北魏時石門仁和流塞唐初築海塘以捍潮其流始絕然以諸書考之晉時桐水已不入

南江而入丹陽湖鄭氏所據 猶古蹟見杜預左傳注則彼時江流

已有遷改然晉書桓彝傳言宣城阻山帶川按帶者蓋言中貫郡境

宋鮑明遠詩昨夜宿南陵隋地理志梁置南陵縣是宋時雖未置縣已有南陵之名今

旦入蘆洲李善注引古宣城圖經曰南陵在郡西南水路

一百三十里按今水路自宣城由青弋江至南陵境止九十里凡須陸行三十里始至縣城圖經所言

乃南江故道故與今異也齊書沈仲玉自鱣口欲斷江鱣口卽水謝朓經注貴口謝朓

之宣城郡亦山江行出新林浦向板橋故其詩曰江路西

南永歸流東北驚天際識歸舟雲中辨江樹據輿地紀勝

板橋浦在府境

李白有板橋浦懷謝朓詩

又李白贈從弟宣城長史詩

曰宗英佐雄郡水陸相控帶長川豁中流千里瀉吳會唐

書田頔傳李神福敗頔將王壇舟師於曷山

山在今宣城縣南四十里

又通鑑唐乾寧三年楊行密將安仁義以舟師至蕪湖欲

渡江應董昌胡三省注自潤州至湖州舟行人柳浦而渡

西陵耳

此正合鄭注南江文流自烏程餘杭之道

此皆唐以前南江未絕之証

蓋白錢鏐築海塘後南江下流既塞而水始涸耳

古分江水在貴池縣西今桐卽水經注之南江自石城東逕

臨城安吳寧國故鄣安吉又東北爲長濱注於具區隋唐後諸志無及分江水者近人因此詆孟堅道元之妄然言之鑿

鑿必非無據今其道雖湮未可輕訾

大清一統志

按唐宋以來方志皆不載南江以故道久湮也惟一統志於池州府下載之今備引入以存故蹟

### 宣城縣支流

白洋溪在府西南五十里出華陽山之金牌嶺西北流合諸

山溪之水至行廊山入青弋江

方輿紀要 大清一統志 乾隆府縣志 並畧同

通津溪自寒亭上流分友西行入青弋江

乾隆府志 縣志 作寒亭支流入通

津渡

柿木溪出胡村山下逕柿木鋪亦至甘露寺後合高橋水流

十五里至鋼密牛墩入青弋江

乾隆府縣志同

蕭公橋水發源於雙牌之西過長橋下至此西流至五花潭

入青弋江

乾隆府縣志同

按蕭公橋水入青弋江亦在紅楊樹鎮之小河口舊志誤

謂至五花潭入青弋江今正之

餘含溪源出九里山西流至此入太平府界

乾隆府志

青弋江流

入蕪湖其東有水出九里山西流爲餘含溪入焉

乾隆縣志

宛溪在縣東門外源出縣東南嶧山東北流三十里爲九曲河折而西受橫澗橋水又北受張家湖水爲響潭又受霍村

水繞城東爲宛溪受石子澗諸水至縣東北里許與句溪合

方輿紀要 大清一統志 宛溪源出新田嶧山納諸水而來

乾隆府縣志並畧同 委宛數十里故曰宛溪上下兩橋上曰鳳凰下曰濟川並跨

溪上

江南通志

青溪在城東南四里

江南通志作府南一里

自夏渡橋至宛陵館驛前

下爲響潭

乾隆府志

按舊府志青溪卽宛溪非別一溪也又云響潭自青溪而

來魯山下源流益明蓋舊府志隨地立名故又名宛溪爲

青溪耳

華陽溪在縣東南七十里源出華陽山東流二十里過魯山

曰魯顯水又東北二十里爲魯溪下入句溪方輿紀要大清一統志江

南通志乾隆縣志並畧同源分二派西流者詳自洋溪北流者至魯廟

水勢漸大逕黃渡魯溪綠潭至下西入東河乾隆府志

閩溪發源玉山西南逕城東二里許西北爲迎春河過福田

橋入句溪乾隆府志

雙溪由玉山句溪上流分支五里爲雙溪西北有許村湖溪漲

則水北十里爲掘港入南湖口又西十里出油榨溝仍達句

溪乾隆縣志大清一統志與此畧同

南湖南曰南埭北曰北埭唐李白集有游北湖詩云朝游北

湖亭一望瓦屋山天聖中葉道卿題北埭湖云泛舟南埭行

先從北湖去嘉定宣州志北埼湖在城北四十里以湖岸遠山迤

邐不斷故名言北者以別有南埼湖故也南埼界宣城建平

兩縣嘉靖府志南埼湖在城東北其北為北埼湖今總謂之南湖

周四十餘里大清一統志江南通乾隆府志並畧同南湖境內一巨浸也

西南出曲河至油榨溝西北出湖北河至渾水港並與大河

即句合乾隆縣志

按此即南江之委南江不能至山陰遂匯為此湖與丹陽

湖通桐水亦入此

青草湖一名青土湖舊經引范傳正宣州記云宣州自為五湖今

蕪湖丹陽湖隸太平州固城湖隸建康府惟青土湖與北埼

湖存焉

嘉定宣  
城志

青土湖在城北七十里以湖土青色故名東

西長一十里南北袤八里湖水西流九里與句溪合

嘉靖  
府志

野苗溝有仙人渡仙人橋東門渡有古塔

乾隆  
府志

句溪北至陳

村灣西有野貓溝東有青草湖水皆入焉

乾隆  
縣志

慈溪出縣北牛兒港西入句溪

乾隆  
縣志

句溪至沙石灣有慈溪

合高淳之水

方輿  
紀要

下塘湖自寒口山下開支河十里匯為下塘仍西會大河

乾隆

府志

界溪自苦竹山過陶公橋至鳳凰山後與白洋溪合

乾隆  
府志

祝公橋水自雙牌舖西流至天門山與白洋溪合

乾隆  
府志

高橋水自密壠迤西流出龍潭過石壁華蓋逕此及隆潢山

甘露寺後與柿木溪合

乾隆府志

斜陂灘水深溝水俱從綠潭

縣志作陸家潭

分入西流入九曲河

乾隆

府志按九曲河卽宛溪

板橋水由石馬溪頭鳳村橋逕黃泥岡東流入宛溪

乾隆府志

橫澗橋水發源橫山之麓逕嚴臺寺又歷花田西山桐子岡

東北流入宛溪

乾隆府志江南通志與此同

張家湖在城南三里原爲田以其沮洳多水故俗稱湖源有

二一出孔家冲由古城橋至綠錦舖東入宛溪一出雙脾舖

東由沙河橋綠錦舖至張家橋入宛溪

乾隆府志

珍珠河自子城西李家塘內發源環子城匯疊嶂樓北至鐵牛坊斗門以洩世傳跨河亭有六以亭之巖漏滴水向如珠故名今源委猶存而廣不一二尺許歲久湮塞故也

嘉靖府志昔

時北流東折環府泊後出鐵牛坊水門入宛澗之珍珠河正

德中改從西北流至城出城復東流入宛澗

方輿紀要

正德中改

從西北溝沿東岳觀側出城北東行過拱極門弔橋至衛城

街鐵仙橋入宛近因附河居民阻塞私掘東岳觀側斗門口

引水西行乾隆壬申年士民請於官補築西堤將復東道勒

石永禁侵佔以有碍閩郡風水故也

乾隆府志

霍村水在城西南有溪源出城西諸山之南由霍村蕩逕柏

山寺後過顏家橋山川壇南至響山北入宛溪

乾隆縣志

石子礶水在縣西北自敬亭南麓東流帶郭入宛溪

方輿紀要 乾隆

隆縣

志

泥河出城東南十里西流遶符箕灣至政通橋入宛溪

乾隆府志

長溪河在城西二十五里源出於西清流陂敬亭之南團山

之北亦名石塘西北流五里餘有分嶺水自北來至夏村注

之又南流五里有佛嶺水自東南來注之又西北流五六里

有長山北麓水會頌黃山水自南來注之又有寒溪會山頭

溪五分溪狼山水廟山水自東北來注之水至此始盛乃名

曰長溪河又西北流五六里有檀林溪方冲溪石佛山水自

北來注之又西北流折而東南流五六里至新橋復西南流五六里至獅子山之萬發橋與蕭公橋水會又有鄉村溪水自北來注之又西北流十餘里經塲水橋至火龍澗有管家橋水自南來注之又西流十餘里至周家橋折而北流至五花潭有西河鎮東分支河自西南來注之又北流五六里有桃花園水自東北來注之又西流四五里至紅楊樹鎮之小河自西入于青弋江之下流

綏溪卽古桐水左傳楚子伐吳至桐汭杜預注云廣德縣西南桐水源出自石東北流入丹陽湖卽此

嘉定宣  
城志

綏溪在城

北一百七里一名白沙河源出廣德建平四十八里北埭湖

南流十八里匯句溪入於江

嘉靖府志 乾隆府縣志畧同

雞更水出南山北流二十里至洪林橋又北流十里入南湖

龍溪縣志

水東水西源出天目龍叢過五河渡入西場勢漸溢入宜境

一水中注相望分名爲東河上流

下西河上自中州後潭下至孫家埠與綠家潭合流處

孫家埠河受綠潭水

蒲干溪自廣印山坐吉山鹿角山螺山至塌勒佛村高泥亭

桑園一溪環繞下達黃渡

直溪 蔣橋溪俱當宛東孔道南受官坪餘波北歸掘港有

橋

大成橋溪城東二十五里發源姑山南麓逕大城橋北由侯村壩環溪渡沈村埠至黃家嘴合掘港水入南湖

石頭溝卽大河口本東北流明宏治間鑿溝以殺河勢故道漸湮舟皆由此形家以疏洩太直爲病

謝家河有渡大河東合慈溪高淳水至此入河汭流而東爲牛兒港山騰蛟渡方家渡入固城湖達東壩東壩五堰之一陳溝口下水陽順流十里至此東高淳西宣城以河心爲界

以上俱乾隆府志

九曲池在縣北三里唐裴休知宣城縣時植蓮於內爲游觀

所大清一統志  
乾隆縣志同

劔池在縣麻姑山乾隆縣志 石龕流泉在稽亭山三天洞同上

白雲池在縣行廊山乾隆縣志

涼泉一名寒泉在縣南三十里輿地紀勝 嘉靖府志大  
清一統志 乾隆縣志並同

惠泉在縣東南宋建炎時州守李光因寇圍城鑿池瀦水錄

事沈肇記周紫芝銘乾隆府志同

縣城內井十曰鰲峯井在鰲峯曰陰塔井在小東門曰城隍

井在城隍廟曰麻姑井在府治西南曰銅井在陽坡下曰開

元井在景德寺曰葫蘆井在杏樹巷曰月井在鼓樓岡曰義

井在余家蕩曰大井在北門大街有四孔城外井七曰天字

街井在東門外曰廟岡頭井在南門外曰八角井在鳳凰橋

東曰惠濟井在惠濟橋東曰裴公井

裴休所鑿

曰綠雪井俱在敬

亭山曰烏盆浴井在句溪南曰金雞井在廣教寺

乾隆府志

### 南陵縣支流

淮水源出縣南呂山麓湧珠泉

乾隆府志

逕孔鎮舖合漳水而北

爲澄清河逶縣東門爲東溪有鷺嶺溪水入焉又北受後港

水歷縣河口受蒲橋河水爲小淮河匯於蕪湖之石碓渡入

青弋江

方輿紀要大清一統志同

按漢書地理志淮水出陵陽縣

今青陽縣

東南北入大江桑欽

曰淮水北入大江而酈道元水經注則曰入旋溪未知何

故今淮水北會青弋江入大江與班桑之說合道元傳聞  
疑必有誤蓋自南江既湮水道遷移多非故道亦難以此  
議道元之非呂山卽南里山辨見山志

小淮河在縣北六十里河濱業園者多邑磚瓦資焉

乾隆府志

漳水在縣西南六十里源出水龍洞至澄清河與淮水合流

方輿紀要 大清一統志 江南通志 乾隆府志 雍正縣志

按元豐九域志南陵縣有漳淮水其實二水難并爲一今

從漢志及一統志

鷺一作嶺溪源出縣南二十五里之鷺嶺東流入澄清河

方輿

紀要 大清一統志同 溪水自尹冲西陽姜村等處來東與澄清河會

乾寧府志  
正縣志同

株園澗水自甯村塘劉家冲來至通濟橋上流入東溪

乾隆府志

雍正縣志同

西港源出工山朗陵之南合諸水北流逕縣西謂之西港分流自西南水門入城繞縣前過東市爲中港藉山之水合焉又出西北水門與西港合又北爲後港逕白石灘繞縣而後

東合於漳淮

方輿紀要  
大清一統志

按方輿紀要以爲中港水卽西港水分支其實中港自有正源西港分支者入城會之耳証見下後港亦同

中港水在縣西南過籍山橋下抵縣北會西港漳淮水

嘉靖府志

源有二皆出縣西南諸山入城而合是為中港又出北水關

與東溪水合大清一統志自南洪冲五里岡橋來會羅家冲水新

田冲水合流經范村橋入南水關是為中港會西水關水合

流經儒學前出北水關至蕭家背與東溪水合其一自西港

分支由雁蕩湖孫家橋來入西水關至牧家墩會中港水雍正

縣志

後港一名青泥港在縣西北合西港入淮水大清一統志匯縣西

北六山水至白石灘為後港雍正縣志

虎狼澗即蒲橋河出涇縣西公山過管林橋與雙澗方村二水遇

又北合黃埭澗水嘉靖府志此水合新村澗水後過麻園洩

又會蕭陂水入南陵永豐陂

永豐陂又北逕蒲橋鋪又西由蘆港至縣東北合漳淮水

縣志

志上白麻園河來經永豐陂楊家橋王鐵橋萬年堰蒲橋源

潭渡橋蘆港口會西河口來水西流張公渡出縣河口與東

溪合

雍正南陵縣志  
江南通志畧同

合河出縣趙冲東入漳水

雍正  
縣志

羅家衝水出縣崇嶺山北新田衝水出縣雲尖嶺北俱入中

港

雍正  
縣志

籍山水出縣籍山東入中港

方輿紀要  
雍正縣志同

麻橋澗出縣板長嶺南胡村橋澗出縣白楊嶺南柿樹溝出

縣繆家衝東湯村水出縣湯村東赤嶺水出縣赤嶺東白果

嶺水出縣白果嶺東冒家衝水出縣冒家衝東俱入後港

雍正縣志

縣志

胡家橋溪在縣東南二十六里神龍山溪在縣東南二十三

里皆北流入蒲橋河

大清一統志  
雍正縣志畧同

沿墅河出縣東南石家會溪出縣東十里皆北流入蒲橋河

雍正縣志

新亭山水出縣新亭山東入胡村橋澗水

雍正縣志

石溪山縣黃土嶺東入沿墅河

雍正縣志

西溪在縣西二里卽縣龍梳棹水田源常澗北數武卽後港

乾隆府志  
雍正縣志同

奎潭在縣東北六十五里共九十九曲江南通志同此中有六墩類

奎星故名蓮藕菱芡鳧雁魚鼈諸利頗饒乾隆府志雍正縣志同

染浦在縣東北四十里一名自家湖廣千餘畝大清一統志同此

多芙蓉菱芡之屬吳赤烏元年建浮城楚剎於中風景為勝

江南通志 乾隆府志雍正縣志並同

浣溪縣之東溪上流五里

漁浦今名龍潭灣見王維詩

海子溝縣東南六里在鷺公山下春秋有勝可選

七里湖縣東南十三里水來遠塘冲往園塘朱理塘邱家橋

以上並雍

正縣志

涇縣支流

浙溪水一名窄溪縣東大山玉屏峯之南流也徽水入涇界

受浙溪水涇縣鄭志 按涇縣錢志以浙溪爲窄溪帶即徽水正源大誤

湖田水出縣大山西南西入徽水錢志

柳坑水出旌德縣界東至涇縣龍首山入徽水錢鄭二志同

馬家嶺水出縣馬家嶺西入徽水錢鄭二志同

竹園村水出縣舉山西入徽水錢志

百湖水出縣百湖山東入徽水錢志

按百湖山在縣東百湖龍祠在其間卽水源所出之地涇

川志所云百湖山下至長山以溪水爲界者也見山志

柳橋河出縣磨盤山其源曰湧溪西流過龍門峽出椿嶺者

曰小溪北流至楊武山山川環繞饒幽居之勝昔人有翡翠

列成千嶂碧琉璃瀉出兩溪寒之句又合大山筆架峯之水

即雅溪與黃亮山石井坑之水同出柳橋河錢鄭二志同按二志皆引嘉靖府

志舊文惟嘉靖志磨盤山作唐降山

桂坑水出縣伏牛山東東受江村水錢志

江村水出縣江村西入徽水錢志

葛溪在縣東三十五里源出慈坑山入徽水大清一統志烏溪源

出百花尖西折而北會甘坑桃花洞水逕登龍石台密坑水

而西達三坦受考坑嶺南流水逆而南逕桓公嶺三里許過

破腳嶺西麓達夏余村會南香澗合流十餘里入徽水下溪

口錢志

按鄭志以爲烏溪水入南香澗誤今據一統志及錢志定以南香澗入烏溪

大坑水源出西坑龍潭會承流稱嶺二水北注徽水錢志

雅溪水出縣大山入榔橋河錢志

石井坑水出縣黃堯山入榔橋河錢志

劉村水出縣三台峯入榔橋河錢志

甘坑密坑水俱出縣游馬山考坑水出縣考坑嶺夏余村水

出縣烟石嶺同入烏溪錢志

南香澗水始於黃沙嶺發源向西會羅溪水厯南香水峯溪水會周公坑水后村水經七八里會烏盤水澗三丈餘深尺餘入濯潭江村出安豐鄉官莊迄于河

嘉靖府志

承流水自永流山出者逕高勦過藍石誠云藍石拖綠袍之水是矣是水沿山北流至雙井上與大坑溪合

錢鄭二志同

稠嶺水出稠嶺西流遶黃虎永流兩山間厯大坑

錢鄭二志同

百花溪出縣百花尖貴坑水出縣乾明嶺石塘水出縣烏溪嶺金臺溪出縣夫人尖北村水出縣石門峯長寧冲水出縣文筆峯烏盤水出縣錦屏峯羅村水出縣石人峯俱入南香

澗

錢志北村水鄭志作北亭水

按石門文筆錦屏石人四峯皆在黃崑山見山志

丹溪出黃崑天乙峯下返照波紅因名西流同口殿之陰折

而北穿林達石過楓林橋五里出龍坦村橋達春溝灣兩岸

奇石迴環如武夷九曲東合南香澗

錢志

焦坑水出縣九峯山烏石嶺水出縣青山洪村水出縣梅嶺

鄭村水出縣鶴峯山淘金坑水出縣淘金山周公坑水出縣

白馬山俱入南香澗

錢志

按以上諸水大小歸合皆入徽水卽涇水之正源也

見經流

銅坑澗水出縣銅坑嶺西入舒溪

錢志

哈溪水出縣前山東入舒溪

錢志

按銅坑澗水西流自麻口入哈溪在桃花入舒溪

新豐澗在太平縣東界發源二嶠山東西兩面水合峻嶺右

逕新豐之仙跡石東行逕丹山兩山間又東入涇界爲九澗

河出口

鄭志

合溪乃二水合流之處在縣西七十里深不過尋丈廣約半

里一水來自石柱過烏城沿山經石嶺厯包村而至合溪一

水來自西大坑經石陂過冷水與石柱水會流而入大溪

涇川

志嘉靖府志畧同

按錢鄭二志以雙溪水爲合溪正源誤今從涇川志

渣溪源發樵山

一作朝山

逕灰坑石橋東會麻嶺水至銅山又西

南至密巖會鳳溪水北流出八廟口又會龍絲溪魯公坪水過九里三灣南折而西達楊桃灣萬綠墩荆竹里水口圍入

舒溪

錢鄭二志同

連溪源出連嶺逕丕嶺之陽遠團倉高坦至德雲山會南容

思溪水荀村澗水過兩吳村沿魁山爲吳村溪

一名連溪

北流數

里又會寒泥澗水方村溪水又西與潘村古溪合出毛王觜

密培裏外梅村而西入溪口渡入舒溪

錢志乾隆府志同

落星潭出藍山縣南有落星山山有懸水五十餘丈下爲深

潭潭水東北流左入旋溪

水經注

按落星山卽藍山

見山志

旋溪卽舒溪

見經流

鄭錢志云舒

溪過落馬潭安吳渡凡七里至落星潭藍山峙其左山有懸水成溪流五里許曰活潑灘飛泉側瀨潞潭中落星石下水色澄明清冷迥異

夏蒲澗源發芝嶺逕郭山合潮泉爲梅溪合大城山水匯於水南都爲圓潭回軍潭逕小澗十五里達中村爲洗心潭稍東爲晴溪此地村樹相間曲磻幽泉頗得勝概折而南數里逕藍山北入落星潭大溪

錢志

花林溪在縣南三十五里源出合山北經赤土山入舒溪

大清一統志

西溪出嶂北白茆二山之中逕高陽山柯村坪過雷塘寺前達花林村流西北十餘里達螺絲墩入舒溪花林灘

側錢  
志

上連溪出四顧山逕鄭家坦新興橋會雲嶺南流之水又會  
陽山西北流之水至洪干堰分流一遠渣湖逕龍泉塘一沿  
黃山而下各行三四里復合向東入綿遠渡口歸舒溪錢志

梓里溪出沙嶺之陰逕梓里冲北流洪舟山下過灣灘村流

三里許入舒溪灣灘側錢志

大嶺東面水屈曲流至大碧潭與小嶺西面水合流十餘里

至舒溪丁家渡出口鄒志

冷水澗出小嶺東會許家灣雙嶺坑諸水合流而東至上楓  
坑水忽不見伏地流四五里許復出合曹村坑栢林坑水東

入舒溪丁家渡口

錢鄭二志同

雙溪水出縣岑山西大坑水出縣黃龍山黃蘗水出縣黃栢

嶺俱入合溪

錢志

白沙水出縣白沙山又寶峯瀑布水會白沙水入合溪

錢志

甘溪水出縣殿子嶺入合溪

嘉靖府志錢志同

午溪水出縣大麻嶺鳳溪水出縣朝山魯公坪水出縣魯公

坪上俱入渣溪

錢志

龍絲溪水出縣梨尖入渣溪

錢鄭二志同

思溪水出縣浮蓋山荀村澗水出縣齊雲山寒泥澗水出縣

東流山俱入連溪

錢鄭一志同

方村溪一名石井水在縣南六十里濶約六七丈深約五尺

餘其源自石井出至桂嶺抵豐樂界有三百六十坑各有名

流出冠蓋鄉經程曹村合流入安吳渡

澤州志 大清  
一統志畧同

古溪水出縣齊雲山小古溪水出縣馬鞍山俱入連溪

鄭志

梅村水出縣芝嶺中村溪水出縣大城山俱入夏浦濶水

鄭志

雲嶺水出縣雲嶺陽山水出縣陽山俱入上連溪

鄭志

許家灣水雙嶺坑水俱出縣楓坑山曹村坑水出縣小嶺下

栢林坑水出縣栢林坑俱入冷水濶

鄭志

按以上諸水大小歸合皆入舒溪舒溪合徽水

即涇水

以下

即爲賞溪矣

鴨兒港水出烟石嶺爲大坑溪石合謝坑水泰坑水北流又

左受白水山水西坑水連汪壁運董村西流出上坊渡入賞

溪錢鄭二志同

南浦水出縣白馬山之東北入賞溪

錢鄭二志同

新河在今賞溪之西熙寧中縣尉劉誼所開蓋以溪流東徙

欲移之西也而水徑不可回淳熙中知縣楊慄又於新河東

南二里開河役夫數萬河甚深廣又於上流築壩捍水使之

西壩成輒潰今二河現存水無涓滴天數非人力也

涇川志賞

溪又北與新河水合河爲宋縣尉劉誼所開迄無成效惟薛

家澗前衝澗西坑水白雲泉諸水注焉

錢志江南通志畧同

幕溪出巧坑山

即考坑

山東西有泉經佛子溪名清潭經白水

山奈衝山根本山又四十餘里至幕山下與賞溪合流

涇川志

嘉靖府志畧同

在縣東北二里

大清一統志

即佛子溪也源出考坑山名

梓溪過清潭逕晏公鎮會余冲水厯江子山下賀村坂至幕

山下又合錦溪入賞溪

錢鄧二志同

新村澗水源出盤坑至新村而南爲響山橋水與石山水會

自紅子港入大溪

涇川志

紅子港出盤坑東北流過新澗響山

橋至栢山入賞溪

錢志

琴溪自寧國縣界山泉發源厯石門至琴溪臺過巖曉寺與

賞溪合流其溪廣一里餘遇梅潦則溢雨晴則澗水淺可涉

溪之名因琴高得之而產琴魚處則在臺下小澗中溪實無

有涇川志 嘉靖府志在縣東北二十里大清一統志源爲丁

溪水一源爲曹溪水合流爲琴溪西注鰕坑出琴溪橋至巖

龍洞會洗馬澗水同入賞溪錢鄭二志同

洗馬澗水出崑山相傳黃巢洗馬于此西流逕巖龍洞同入

赤灘側錢鄭二志同赤灘由栢山北流五里至此琴溪洗馬澗二

水同來注之錢志

謝坑水出縣謝坑山秦坑水出縣程村白水山水出縣白水

山西坑水出縣元武嶺俱入鴨兒港水錢鄭二志同

薛家澗水前衝澗水俱出縣湖山水西坑水出縣水西山白

雲溪

鄭志作白雲泉錢志作風光泉今從唐吳韋詩作溪

出縣白雲山俱入新河水

錢鄭

二志

同

余冲水出縣余冲山入幕溪

錢鄭二志同

錦溪在縣南五里兩岸土皆五色如錦下有小潭其水清淺

時髣髴見石上龍爪跡

嘉靖府志

錦溪在縣東南源出長山北流

入幕溪

大清一統志

黃埭澗水源出孤山之陽與新村澗水同至昌埭橋下

涇川志

丁溪水始于寧國縣界發源向北歷下丁溪會舉南水茶坑

水石城水

皆出寧國

九里坑水米村水溪澗四丈餘深二尺入丹

山琴溪

涇川志

在縣東南六十里

大清一統志

源出寧國縣至石嶺

入界遶戰嶺合九里坑水逆流達宋村逕丹山出東坑達蔡

村垵受南坑水西流合琴溪

錢鄭二志同

溪頭水始于溪頭山發源向北歷感慶會王村水倪村水黃沙水張村水了沓水慈坑水溪濶二丈餘深一尺入由道鄉

丹山琴溪

涇川志

曹溪在縣東六十里

大清一統志

源出溪頭坑歷浴馬潭陰山垵

諸處東受感坑方坑水西受江兒坑等三水北流逕魚龍潭

過下半都又受郭村水出口受張村坑水沿硃砂山慈山

受慈坑水逕神仙壩絳橋沈村至壩頭受上榔中榔二坑水

過獨山丁溪爲琴溪

錢鄭二志同嘉靖府志又作壺溪

按此溪

九里坑水出縣東山之東南坑水出縣金牌嶺之西俱入丁

溪

錢鄭二志同

感坑水出縣感慶山方坑水出縣方坑山江兒坑水箬坑水  
黃沙坑水俱出縣黃沙嶺郭村水出縣東山之西張村水出  
縣白楊嶺慈溪水出縣紗帽山上柳中柳二坑水出縣關旗

嶺俱入曹溪

錢鄭二志同

按以上諸水大小歸合皆入賞溪

淪市河在縣西南自賞溪至昔尉司之東不通水源與賞溪  
隔一堤或溪水入河則遭患嘉定時縣令王林募民增築以  
絕之今賞溪東徙堤歸烏有市河亦失

車載園水山深潭北流過馬鞍峽獅子崖逕舉山足繞南培盤旋奔赴至此凡十里東受柳橋河水

九龍灘由九里潭西流里許

楊坑渡水由桃花潭折而東流三里至此一名九澗河口西受新豐澗水

西門河由賞溪逕縣南城北流東沿城趾西沿桃園凡二里許北與新河水合

胡村水東北境別爲一支會宜西南境水出注泉坑入宜邑

青弋江上流

以上俱乾隆府志

道士湖在縣城內縣治南

鄴志

柳湖在縣東北桂山下

鄭志

神湖在縣東北二十五里廣不盈畝而泓深不可測每歲五六月天久不雨或涸或盈盈則水漲涸則徹底凡涸一二日而復盈者三日內必雨遇期不盈則歲必旱鄉人祈雨多驗意必龍湫乃作龍祠於上而祀之

涇川志 鄭志作出山

風光池七祖池俱在縣水西山崇慶寺禪師池在縣唐澤山浴雀池在縣銅峯天池在縣黃崑山碧蓮池在縣石籠山放生池縣有二一在琴溪一在乾明寺

涇縣舊志

跳珠泉妙喜泉俱在縣水西山潮泉在縣郭山一人泉在縣一人泉山湧泉在縣魚籠山三台泉在縣石山濯纓泉在縣

寶勝寺珍珠泉在縣妙峯庵承流三泉在縣承流山

涇縣志

白塔泉在縣白塔山妙明泉在縣烏龍山白水泉在縣白水

山

乾隆府志

縣城內井七曰濟嶽泉井在縣治舊迎賓館前曰花井在三

友坊曰大井在縣治南曰東門井在城東曰北門井在城北

曰甘泉井在賞溪巷曰觀前井在宜陽觀前城外井十七曰

葛洪井在寶勝寺側

惟井堯存

曰裴公井在水西山

唐刺史裴休鑿

曰雙

井在黃村曰煉丹井在承流山曰石井在伏牛山曰硃砂井

在銅峯曰天井在野爐坑曰發豐井在上查村曰歐家井在

下查村曰燉官塘井在桃花潭西岸曰文家井在茂林曰汪

家井在烏石嶺曰童子井在龍坦村曰浙南井在浙南鋪曰

和尚井在小坑山下曰羊婆井在高村曰豐源泉井在上孤

嶺下

乾隆府縣志同

寧國縣支流

東溪在縣東五里

江南通志一統志作杭水

大清

東溪卽河瀝溪山天目

山流二十里至落花溪又五里至落馬橋受孔夫關水

乾隆府縣

志同

千秋嶺水出浙江於潛縣繞嶺東至寧國縣入杭水

大清一統志

乾隆府縣志並同

北姑山水出縣北姑山東溪經望仙橋又并此水

康熙縣志

湯公山水源出湯公山麓大清一統志北行二十五里至冷水渡

入焉乾隆府縣志同

馮溪受於潛孝豐界唐舍關諸水東溪過冷水渡馮溪入焉乾隆

府縣志同

陳村水出縣陳村東溪自冷水渡又十里至石牌受此水乾隆

博里水深坑水並從鳳凰橋入大溪東溪由石牌十五里至

鳳凰橋二水入焉乾隆府縣志

千項山水一名墩溪源出于項山麓大清一統志山與昌化中山

畫界西北流七十餘里至汪村又十五里為墩溪東溪由鳳

凰橋又十里至石口此水入焉乾隆府縣志同

廣德界水出廣德州至縣境東溪受千頃山水水始可航至

欄干溪一作又十里至汪村受此水  
康熙縣志

洋丁源水出浙江昌化縣洋丁山麓大清統志北流至石門折

而東至波羅溪入東溪乾隆縣志同

中溪水出陽濠山舊志作羊號誤經古懷安縣并方木坑橋水至柵

油陂又受石龍口水經舒亮陂萬福里出波羅溪入東溪源

約長一百三十里乾隆縣志同

西津即縣溪也在縣西北五里介于雞山延福二鄉之間源

出徽州界山麓叢山之東北至縣北匯五湖水注于句溪以

達于江嘉慶宣城志寧國縣東有東溪西有西溪即句溪上

源也

明史地理志

西溪亦謂之微水卽西津渡源出績溪龍巖山

下北行七里至叢山關

縣志受丁家店水

二十五里至橫溪受仙人

洞水蜀洪源水又十里至霞鄉受滑渡水可筏又北五十里

至東岸受葛村泌溪長嶺殿基諸水又四十里至羅陵灣中

有狼石方丈許激流爲阻七里至下湛受龍潭水又五里至

西津又五里至五河渡與東溪合

方輿紀要江南通志

大清一統志康熙縣志

畧同

按此水及旌德縣涇水並源於徽州故皆名微水又五河

渡卽九域志之五湖水嘉靖府志以千秋嶺水湯公山水

東溪西津沿五湖山之右合流爲五湖渡乾隆縣志又以

東溪西溪洋丁源水中溪泌溪爲五河以謂東河二西河  
二中河一未知孰是

胡村水出廣德州界東溪與西溪合又北十二里有此水

方輿

紀要 大清一統志同

胡村汪溪水其源有二皆出廣德合流於胡村

之陽過金溪入東津井港口胡村

乾隆府縣志同

合溪出縣西北東溪至馬家溪此溪入焉

康熙縣志

澄清溪出文脊山下東溪又經通靈峯北石馬潭有此溪水

亦流合焉

方輿紀要 大清一統志同

栢楓溪出宣城縣栢楓山南東溪至港口渡而受此溪之水

亦曰乾溪

方輿紀要

乾溪雨久則潦雨止立涸出宣城栢楓溪

康熙

縣志

苦竹溪出縣石礧山之西入洋丁源水

乾隆縣志

方木坑橋東西二水出縣方木坑橋入中溪

乾隆縣志

石湖潭在縣南五十里懷安鄉之東川兩山如束溪流洶湧

至半山洩為瀑布懸峯約十餘丈下有潭入山又十里許過

蒜嶺有峽石山洞怪石崔嵬水流其中仰望石罅天如一線

亦宇內之幽境也

嘉靖府志  
隆府志並同

乾石湖潭一名石礧口中溪

至桐油陂又受蒜子嶺及此水

康熙縣志

丁家店水出縣西南境入西溪

康熙縣志

仙人洞水在縣西南源出浙江昌化縣之仙人洞至橫溪入

徽水

大清一統志

仙人洞水從洞底側出繞山行數里注斌坑至

橫溪入徽水

乾隆府縣志同

篁嶺水源出旌德縣篁嶺山之陽

大清一統志

西達起源水至橫

溪入徽水

乾隆府縣志同

蜀洪源水出縣蜀洪山西溪至橫溪受仙人洞水及此水

乾隆

縣志

大清一統志蜀洪山有三

曲瀑布泉即此縣志作紫山誤

滑渡水源出旌德縣鳬山

大清一統志

東流至此入縣界北至霞

鄉合徽水

乾隆府縣志同

葛村水出涇縣騎馬嶺

方輿紀要

大清一統志

並同 遊葛村岡南合環川

水又折而至東岸合徽水

乾隆府縣志同

泌溪源出旌德縣烏嶺下嶺之腋逶環川合丁溪水匯于東

岸之上又西溪自霞鄉五十里至東岸受此水

乾隆府縣志同

長嶺水出縣長嶺殿基水出縣殿基虞澗溪出縣巫嶺俱入

西溪

乾隆縣志

龍潭水出文脊山石池中廣三四丈其深不測時見靈怪世

傳有龍潛焉歲旱禱之多應潭水東溢爲澗至虞塘溪北流

至袁村入徽水

乾隆府縣志同

西溪至羅陵灣北此水入焉

方輿紀要

清一統志並同

何村水出縣何村徐村水出縣徐村俱入合溪

乾隆縣志

環川水出縣西境入葛村水

康熙縣志

弋溪出縣高峯入泌溪

嘉靖府志

丁溪出涇縣界東至寧國縣入泌溪

康熙縣志

按此與涇縣入琴溪者同名故被水又名下丁溪

老龍潭在西津書院前寬約畝許大旱水車不竭

乾隆府志同

激溪距東山渡十里許為東溪之匯有潭曰瞿潭又名七儒

潭深百尺其清可鑒毫髮傳為瞿礪先生同隱士七人遨遊

垂釣處南半里許有石臺上有棋枰茗碗諸蹟今沒於水漁

者猶見之

乾隆府志

馬跡泉

乾隆府志並作潭

在縣塵嶺汪華兵至塵嶺士馬皆渴以戈

鐫石得泉今石兵馬有足跡後人因加濬鑿

嘉靖府志

洪公山泉在縣洪公山

嘉靖府志

縣城內井三曰官井在縣治東曰城隍廟前井在城隍廟前

曰仙井在仙井港

仙克謹

城外井四曰孔子井在孔夫關

太平寰宇

記舊吳興安吉縣南界道旁有小井孔子入吳時鑿今屬寧國縣大清一統志在縣東南一百三十里見古蹟

仙井在翠雲庵左亦名義井

仙志

曰竹峯古井在竹下鋪曰

柳泉井在西門外一里

乾隆府志同

按寧國縣東溪水發源於天目山

於潛界

行二十里至落花

溪

十三都

又行五里至落馬橋受孔夫關水又行三里至寶

石橋受千秋嶺水

出於潛嶺麓

又行十三里至冷渡受湯公山

水又行十里至石牌

九都

受陳村水又行十五里至鳳凰橋

九都受博里水深坑水又行十里至石口水勢漸盛可航至

欄杆溪又行十里至汪村受千頃山水又行十里至長短

溪又行五里至波羅溪受洋丁源水又行五里至東津河

溪憑又行五里至五河渡會二都三都三十八都諸水至汪溪又會香四

十都全入眾海會港口即杜遷鎮受乾溪水會相規同入宣城

界西溪水發源於績溪龍叢山下行七里至叢山關受

丁家店水又行二十五里至橫溪受仙人洞水出昌化仙人洞山石

中又行十五里至霞鄉受滑渡水出旌德稍深可筏又行

五十里至東岸受環川葛村深坑長嶺殿基諸水又行四

十里至羅陵田有根石突起溪中又行七里至下湛

受龍潭水

出文脊山石池中

又行五里至西津又行五里至五河

渡與東津水合流十里至相府潭受胡村水又行十里至

眾潯潭又五里至港口受乾溪水

會栢楓諸水

同入宣城界

旌德縣支流

徽水出徽嶺西北流有清潭溪水出縣南境清潭山溉田十

餘頃流數里入徽水

方輿紀要大清一統志同

古溪石灘溪皆在縣西南二里北入徽水一在城南一逕南

乾隆府

縣志同

西源溪發源西山大雨時注卽穿城繞縣署學宮入溝通大

溪

乾隆府縣志同

楊下溪源出績溪縣之龍叢山西北流入縣界經華陽山合

霞溪龍顯及別源之東溪水至城北里許合徽水

方輿紀要  
大清一

統志同龍  
顯作龍頭

東溪即楊下溪出績邑之朋坑

乾隆  
縣志

橫鳧溪在縣西北十里源出大嶺流于了坑至虞院入大溪

乾隆府  
縣志同

按此溪與鳧溪左右入徽水勢橫斜故名

鳧溪在縣東鳧山西南之水會于此西入徽水

大清一統  
志 乾隆府

縣志  
同

湯村水在縣東北鳧山以北蘇嶺

一作

以南水俱會此至

口入徽水

大清一統志  
乾隆府縣志同

抱麟溪在縣西源出黃華嶺東流與陶環溪豐溪合是爲三

溪又至石壁西入于徽水大清一統志抱麟溪在十八都榔村溪

源出黃華嶺經榔村通霍家橋合三溪乾隆府縣志同

戈溪源出石蘭山流二十里入涇縣界戈一作渦嘉定宣

溪在縣西北四十五里嘉定志作東北二十五里其流隨山旋轉下多險

石至涇縣界入藤溪方輿紀要大清一統志乾隆府縣志畧同徽水在旌德界

合戈溪楓村溪又北始入涇界涇縣舊志

按諸志皆以戈溪至涇縣入徽水旌德縣志於徽水經流

之地不加叙述無可折衷今從涇縣志定在旌德縣界入

徽水楓村溪同

楓村溪源出縣箬嶺北入藤溪

大清一統志  
方輿紀要作楓溪

按箬嶺在旌德縣極南至極北涇縣界南北相距六十里  
中存豐溪抱麟溪等間之疑不能竟達箬嶺字或有傳誤  
縣志亦不載此溪未審何故

豐溪出縣二都卽豐陂碣水名入清潭溪

乾隆府  
縣志同

按此與入抱麟溪者同名

龍顯溪出績溪縣界西北入楊下溪

方輿  
紀要

東溪在縣南有兩源一出績溪之朋坑一出七都之石嶺與

霞溪合入徽水

乾隆府  
縣志同

按方輿紀要以此水爲別源之東溪水嫌與楊下溪同名

東溪故也

霞溪水自績溪縣合流而北至縣東四里入於東溪

方輿紀要

隆府縣志畧同

石琉溪在九都十都間潺湲映帶入鳧溪

乾隆縣志

陶環溪在縣西三十里亦名玉溪北流入抱麟溪

大清一統志陶

環溪源出黃高峯流於小嶺下與上涇水合至棉坑從石柱

東來北流出三溪

乾隆府縣志同

按舊府縣志皆以陶環溪玉溪分爲二溪誤今從一統志

豐溪在縣西十里源出縣西南六十里九峯山東北流至縣

西北三十里入於三溪

方輿紀要 大清一統志 作東北流合陶環溪

按舊府縣志皆以豐溪水入太平境誤

上涇水碧溪水俱出縣西南入陶環溪

乾隆縣志

壕寨水在縣南豐溪東北流經石柱山南合此水

方輿紀要

按以上諸水大小歸合皆入徽水

下洋溪在縣西南五十五里源出黃高峯箬嶺以北棗栗峯以西諸水所匯流於白地經於下洋與上下洪溪合西流入

太平麻陂潭

乾隆府縣志同

上洪溪出縣大洪山西下洪溪出縣鵲嶺北俱入下洋河

乾隆

縣志

雙溪在二十一都江村西二水俱發源金鰲山匯於村口入

下洋河

乾隆府縣志同

涇陽川水有三源北出象山經和村至高金山西北合流入

下洋河

乾隆府縣志同

按以上諸水大小歸合皆入太平縣麻川

梅溪在十一都大嶺以東剝嶺以西之水俱匯於黃沙殿流

入寧邑之環潭嶺經東岸入大河

江南通志 乾隆府縣志同 大河卽寧國縣西溪

滑渡溪出縣八都東入寧國縣界爲滑渡水

乾隆縣志

壁溪在八都尙村并會鳧山石嶺以東諸水匯爲古柳潭名

壁溪東流滑渡入寧邑

乾隆府縣志同

雪溪出縣十都東入寧國縣界西溪

乾隆府縣志同 江南通志並同

按以上諸水皆入寧國西溪兩縣並載首尾相屬較可考

証

毓秀湖在一都隱龍村口峯巒環繞夾岸並植桃柳乾隆府縣志同

聖母池在梓山嶽廟水山谷流注旱潦如一乾隆縣志

浙米池在十六都玉虹橋畔宋汪氏十世共爨浙米之地乾隆

縣志

鹿飲泉在縣西以泉烹茶味極美輿地紀勝舊傳有白鹿飲此故

名乾隆府縣志同

金井泉在縣東五里會勝院輿地紀勝

冷泉在縣西十五里當盛暑飲之其冷遠勝於冰施川志舊志同

不竭泉在縣西南四十八里東山呂仲法隱居時鑿大旱不

涸

乾隆府縣志同

縣井十一曰天井在縣東華陽寺前曰方氏義井在隱龍村

曰玉井在縣西二十里曰真武井在廟首真武殿曰玉泉井

在一都曰沙曰灣下井在廟首涇溪側

一名惠谷

曰泉水井在十

八都曰石泉井在一都桂林曰供村井在十二都喬亭曰石

角龍井在江村北獅山下曰桃源井在江村龍山館前

乾隆府縣志同

志同

### 太平縣支流

嶺上水出縣斜山嶺

此嶺不見山志

至鑿村由苦竹橋安仁坊入西

埠河 乾隆府志同

按縣志以舒溪為西埠河麻川為東埠河蓋土名也

舒溪經縣西北受婆瀆二水 方輿紀要大清一統志同

婆溪水出黃山松谷庵清能潭經芙蓉嶺下過溝村合甫村

水逕大橋湖深潭 在縣西三十里高峯登時碧水淵停如湖之深洗脚嶺汪王嶺下

密崖關鴉鳩石村合西埠河 乾隆縣志

瀼溪在縣西六十里亦名白瀼其源有二一出黃山九龍泉

一出大鰲嶺下東北合流入舒溪 方輿紀要大清一統志乾隆府志並同白

瀼溪在長壽鄉源出黃山九龍泉之脉注為陂堰溉田二萬

畝自東北入舒溪 嘉靖府志

青山溪源出青陽九華山東流經涇縣西南界又東南入縣

界入舒溪

方輿紀要

谷村水出羊樓嶺下合諸水入下村口西埠河

乾隆縣志

溪下水出黃山湯嶺數折至溪下匯焦村諸水至沒潭又會

楓林頭水三河會合過濟上繞穰嶺汪王嶺至長壽入西埠

乾隆

府志

宏潭水出縣西東入舒溪

乾隆縣志

白港溪出縣黃山北入舒溪

乾隆縣志

蟠溪一名蟠石水在縣西五十四里上游有蟠石高丈餘特

立水中俗名獨立灘

舊府縣志

北流入舒溪

方輿紀要

大清

隆縣志

並同

赤溪在縣廣嚴寺側世傳左難當之墓神龍初有赤氣衝天

州縣以間勅下鑿斷山脈流血數里溪水盡赤輿地紀勝赤溪在

縣西北源出青陽界東北流入舒溪方輿紀要赤溪水清一統志同

在庾嶺下流自丹巖紫壁間初出水紆徐出谷中匯藍水故

曰美溪有白石潭溪水澄澈懸崖峭壁如在畫圖經步瀛通

西埠乾隆縣志

金鐘潭淩瀼赤舒四水合處乾隆縣志

舒溪在太平會瀾溪蟠赤四溪澤縣志

麻川在縣南三里縣志源出黃山之麓縣志方稱仙源出湯泉經道一潭家

橋南而下台在溪水又台道二經縣東南七里名麻陂潭

旌德西北境之水多流入焉謂之麻川東台富溪水縣志

通下中村灘又合梅溪水十里至焦村灘浮灘又十里至三

門灘又三十里至麻日潤縣太平縣志皆名與舒溪合方輿

此同其間三十餘灘甚險者過半舟行之險甚於川河乾隆

按李自有下陵陽高溪三門六刺灘詩三門橫峻灘六刺

走波瀾卽此蓋麻川經三門嶺嶺有灘故名是麻川唐時

又名高溪也諸地志又以三門灘屬舒溪未知孰是

湯泉溪在黃山紫石峯下黃山

按一統志賞溪下太平水出黃山之麓由湯泉東流卽此

桃花溪在桃花峯下三月桃花甚開每謝之時溪水盡紅流

入湯泉溪名桃花湯

黃山圖經

朱砂溪在朱砂峯下東流入湯泉溪

黃山圖經

按舊志以爲朱砂溪入白雲溪誤乃白雲溪流入朱砂溪耳朱砂溪舊志入古蹟下

榆花溪出縣黃山紫雲峯東入麻川

黃山圖經

迄溪出縣夫子山東入麻川

乾隆府縣志同

道二水自道二鄉北穿高橋金墩橋東入東埠河

乾隆府縣志同

富溪在縣南源出霧山東流達縣治西南又東會麻川

方輿紀要

大清一統志富溪至三里岡合峴村水流入東埠河

乾隆府縣志

陶溪在縣北出三門嶺東南至斷坑入麻川方輿紀要大

隆慶縣

志並同

自雲溪出黃山疊嶂峯有陰坑源陰不見日源水東流入白

雲溪溪中有一潭如盆又有一大潭黃帝曾向此取水煉丹

感白龍見名曰白龍潭水入朱砂溪黃山圖經

按縣境諸水出黃山其峯屬太平者但曰出黃山其同出

黃山而此峯屬歙縣者如紫石峯之類則稱黃山某峯以別之不

言出別縣者以黃山究係太平所分轄也

小北門水穿城西南合富溪乾隆府縣志同又縣治三思橋下云源出山門嶺經縣治西

按以上諸水大小歸合皆入舒溪

龍鎮潭在縣溪東北有龍鎮石下臨深潭冬夏澄澈如一

號麒麟潭其石高二丈餘世傳龍鎮水最宜紙輿地紀勝龍光潭

一名麒麟潭在縣西六十里長壽鄉乾隆府縣志同

香潭三折嶺下水勢湍泓深不可測乾隆府志

板石潭縣東北二里潭上有橫石一片平鋪如板爲邑人修

禩所乾隆府志

白鶴池在縣仙壇側世傳子明與弟於此飛昇有煉丹臺煉

丹泉見存輿地紀勝

按仙壇今在陵陽山

縣城內井十六曰福井在察院西曰天祿井在察院東曰壽

井在縣治東曰項家井在縣治西曰里仁井在文昌閣溪下  
曰黃栗巷井在縣治西北曰周公祠井在祠內曰福泉井在  
縣北周氏宅後曰殷家井在晒穀灘前曰儒學井在訓導宅  
前曰社學井在名公祠右曰品井在南門右曰趙家井在水  
關右曰高山井在黃家右曰關王井在天都書院左曰牛家  
井在三思橋內城外井二曰天一井在縣西城外曰偃井在

西門外

乾隆府縣  
志畧同